

泛沔州郎官湖

李白

白遇故人尚書郎張謂出使夏口沔州牧杜公漢陽宰王公觴於江城之南湖樂天下之再平也方夜永月如練清光可掇張公殊有勝概四望超然乃顧白曰此湖古來賢豪游者非一而枉踐佳景寂寥無聞夫子可為我標之嘉名以傳不朽因舉酒酌水號之曰郎官湖亦由鄭圃之有僕射陂也席上文士輔翼岑靜以為知言乃命賦詩紀事刻石湖側將與大別山共相磨焉詩曰張公多逸興共泛沔城隅當時秋月好不減武昌都四座醉清光為歡古來無郎官愛此水因號郎官湖風流若未減名與此山俱

道藏輯要

天下名山記
湖廣泛沔李

畫

軫集三